

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা।

[মূল্য সংযোজন কর ও সম্পূরক শুল্ক]

প্রজ্ঞাপন

তারিখ: ২০ জ্যৈষ্ঠ, ১৪২৮ বঙ্গাব্দ / ০৩ জুন, ২০২১ খ্রিষ্টাব্দ।

এস.আর.ও. নং-১৪০-আইন/২০২১/১৩৭-মুসক।- মূল্য সংযোজন কর ও সম্পূরক শুল্ক আইন, ২০১২ (২০১২ সনের ৪৭ নং আইন) এর ধারা ১৩৫ এ প্রদত্ত ক্ষমতাবলে জাতীয় রাজস্ব বোর্ড মূল্য সংযোজন কর ও সম্পূরক শুল্ক বিধিমালা, ২০১৬ এর নিম্নরূপ অধিকতর সংশোধন করিল, যথা:-

উপরি-উক্ত বিধিমালার -

(১) বিধি ২ এর-

(ক) দফা (চ) এর পর নিম্নরূপ নূতন দফা (চচ) সন্নিবেশিত হইবে, যথা:-

“(চচ) “পশ্চাদ সংযোগ শিল্প প্রতিষ্ঠান” (Backward Linkage Industry) অর্থ এইরূপ কোনো শিল্প প্রতিষ্ঠান যে শিল্প প্রতিষ্ঠান অভ্যন্তরীণ ব্যাক-টু-ব্যাচ ঋণপত্র বা অভ্যন্তরীণ ঋণপত্রের বিপরীতে বৈদেশিক মুদ্রার বিনিময়ে এইরূপ কোনো নিবন্ধিত ব্যক্তির নিকট পণ্য সরবরাহ বা সেবা প্রদান করে যিনি বৈদেশিক মুদ্রার বিনিময়ে কোনো প্রকৃত রপ্তানিকারকের নিকট পণ্য সরবরাহ বা সেবা প্রদানের জন্য অভ্যন্তরীণ ব্যাক-টু-ব্যাচ ঋণপত্রে আবদ্ধ;”
এবং

(খ) দফা (ছ) এর পর নিম্নরূপ নূতন দফা (ছছ) সন্নিবেশিত হইবে, যথা:-

“(ছছ) “প্রকৃত রপ্তানিকারক বা রপ্তানিকারক” অর্থ এইরূপ কোনো ব্যক্তি বা প্রতিষ্ঠান যিনি তাহার উৎপাদিত পণ্য বা সেবা বা অন্যবিধভাবে সংগৃহীত পণ্য বা সেবা সরকার কর্তৃক, সময় সময়, জারীকৃত রপ্তানি নীতি আদেশে বর্ণিত শর্তাবলি এবং বাংলাদেশ ব্যাংক কর্তৃক, সময় সময়, জারীকৃত বৈদেশিক মুদ্রা সংক্রান্ত বিধি-বিধান পালন করিয়া সরাসরি রপ্তানি প্রক্রিয়াকরণ এলাকায় বা বাংলাদেশের বাহিরে রপ্তানি করেন;”;

(২) বিধি ৮ এর-

- (ক) উপ-বিধি (১) এ উল্লিখিত “কমিশনারের” শব্দের পরিবর্তে “বিভাগীয় কর্মকর্তার” শব্দগুলি প্রতিস্থাপিত হইবে; এবং
- (খ) উপ-বিধি (২), (৪), (৫) ও (৬) এ উল্লিখিত “কমিশনার” শব্দের পরিবর্তে “বিভাগীয় কর্মকর্তা” শব্দগুলি প্রতিস্থাপিত হইবে;

(৩) বিধি ৯ এর-

- (ক) উপ-বিধি (১) এ উল্লিখিত “কমিশনারের” শব্দের পরিবর্তে “বিভাগীয় কর্মকর্তার” শব্দগুলি প্রতিস্থাপিত হইবে;
- (খ) উপ-বিধি (৩) এর দফা (খ) এ উল্লিখিত “কমিশনারের” শব্দের পরিবর্তে “বিভাগীয় কর্মকর্তার” শব্দগুলি প্রতিস্থাপিত হইবে; এবং
- (গ) উপ-বিধি (২), (৪), (৫) এবং (৬) এ উল্লিখিত “কমিশনার” শব্দের পরিবর্তে “বিভাগীয় কর্মকর্তা” শব্দগুলি প্রতিস্থাপিত হইবে;

(৪) বিধি ১২ এর-

- (ক) উপ-বিধি (১) এ উল্লিখিত “(চ) বন্ধনী ও বর্ণের পরিবর্তে “(ছ) বন্ধনী ও বর্ণ প্রতিস্থাপিত হইবে এবং “দফা (ক) হইতে (ঙ) শব্দগুলি, বন্ধনী ও বর্ণগুলির পরিবর্তে “দফা (ক) হইতে (চ) শব্দগুলি, বন্ধনী ও বর্ণগুলি প্রতিস্থাপিত হইবে;

- (খ) উপ-বিধি (১) ও (২) এ উল্লিখিত “কমিশনারকে” শব্দের পরিবর্তে “বিভাগীয় কর্মকর্তাকে” শব্দগুলি প্রতিস্থাপিত হইবে; এবং
- (গ) উপ-বিধি (৩) এ উল্লিখিত “কমিশনার” শব্দের পরিবর্তে “বিভাগীয় কর্মকর্তা” শব্দগুলি প্রতিস্থাপিত হইবে;
- (৫) বিধি ১৩ এর-
- (ক) উপ-বিধি (১) এ উল্লিখিত “কমিশনার” শব্দের পরিবর্তে “সংশ্লিষ্ট বিভাগীয় কর্মকর্তা” শব্দগুলি প্রতিস্থাপিত হইবে; এবং
- (খ) উপ-বিধি (২) এ উল্লিখিত “কমিশনার” শব্দের পরিবর্তে “সংশ্লিষ্ট বিভাগীয় কর্মকর্তা” শব্দগুলি প্রতিস্থাপিত হইবে;
- (৬) বিধি ১৭ এর উপ-বিধি (৩) ও (৪) বিলুপ্ত হইবে;
- (৭) বিধি ১৮ক এর-
- (ক) উপ-বিধি (১) এর দফা (গ) এ উল্লিখিত “এবং রপ্তানি আয়ের স্বপক্ষে বাংলাদেশ ব্যাংকের প্রত্যয়ন পত্র” শব্দগুলি বিলুপ্ত হইবে;
- (খ) উপ-বিধি (২) এর পরিবর্তে নিম্নরূপ উপ-বিধি (২) প্রতিস্থাপিত হইবে, যথা:-
- “(২) উপ-বিধি (১) এ যাহা কিছুই থাকুক না কেন, বাংলাদেশে নিবন্ধিত কোনো ব্যক্তি কর্তৃক আন্তর্জাতিক দরপত্রে কার্যাদেশপ্রাপ্ত বাংলাদেশের অভ্যন্তরে বা বাহিরে অবস্থিত কোনো প্রতিষ্ঠানের কার্যাদেশভুক্ত কার্যক্রমের আংশিক সম্পাদনের নিমিত্ত বৈদেশিক মুদ্রায় স্থাপিত ঋণপত্রের বিপরীতে বাংলাদেশের অভ্যন্তরে পণ্য বা সেবা সরবরাহ করা হইলে, নিম্নবর্ণিত দলিলাদি বিভাগীয় কর্মকর্তার নিকট দাখিল সাপেক্ষে, উহা আইনের ধারা ২ এর দফা (৬২) এর অধীন প্রচ্ছন্ন রপ্তানি বলিয়া গণ্য হইবে, যথা:-
- (ক) আন্তর্জাতিক দরপত্রে কার্যাদেশপ্রাপ্ত বাংলাদেশের অভ্যন্তরে বা বাহিরে অবস্থিত প্রতিষ্ঠানের দরপত্র বিজ্ঞপ্তি,

সরবরাহ আদেশ, বা প্রযোজ্য ক্ষেত্রে, ফ্রান্সদেশের তৎকর্তৃক সত্যায়িত অনুলিপি;

(খ) আন্তর্জাতিক দরপত্রের অধীন স্থানীয়ভাবে সংগৃহীত পণ্য বা সেবার বর্ণনা, পরিমাণ, পরিশোধিত অর্থ, বিল অব এন্ট্রি/মুসক চালানপত্র, ঘোষিত উপকরণ-উৎপাদ সহগ ইত্যাদির বিবরণ;

(গ) স্থানীয় বা আমদানি পর্যায়ে পণ্য বা সেবার উপর পরিশোধিত উপকরণ কর ও সম্পূরক শুল্ক (প্রযোজ্য ক্ষেত্রে) হাসকারী সমন্বয় গ্রহণের জন্য পিআরসি (Proceed Realization Certificate) এর ব্যাংক কর্তৃক সত্যায়িত অনুলিপি।”;

(৮) বিধি ১৮ক এর পর নিম্নরূপ নূতন বিধি ১৮খ ও ১৮গ সন্নিবেশিত হইবে, যথা:-

“১৮খ। অভ্যন্তরীণ ব্যাক-টু-ব্যাক ঋণপত্রের বিপরীতে বৈদেশিক মুদ্রার বিনিময়ে পণ্য বা সেবা সরবরাহ।— (১) কোনো নিবন্ধিত ব্যক্তি অভ্যন্তরীণ ব্যাক-টু-ব্যাক ঋণপত্রের বিপরীতে বৈদেশিক মুদ্রার বিনিময়ে কোনো প্রকৃত রপ্তানিকারককে কোনো পণ্য বা সেবা সরবরাহ (যদি প্রযোজ্য হয়) করিলে উক্ত পণ্য বা সেবার সরবরাহ আইনের ধারা ২ এর দফা (৬২) এর অধীন প্রচ্ছন্ন রপ্তানি বলিয়া গণ্য করা হইবে।

(২) উপ-বিধি (১) এ বর্ণিত নিবন্ধিত ব্যক্তির ক্ষেত্রে আইনের ধারা ৬৪ অনুযায়ী দাখিলপত্র প্রদানের ক্ষেত্রে অভ্যন্তরীণ ব্যাক-টু-ব্যাক ঋণপত্রের বিপরীতে বৈদেশিক মুদ্রার বিনিময়ে কোনো রপ্তানিকারককে সরবরাহকৃত পণ্য বা সেবায় ব্যবহৃত উপকরণের ক্ষেত্রে উপকরণ কর, আইনের ধারা ৪৬ অনুযায়ী রেয়াত গ্রহণ এবং আইনের ধারা ৬২ ও বিধি ৪৫ অনুযায়ী সম্পূরক শুল্কের নিমিত্ত হাসকারী সমন্বয় সাধন করা যাইবে।

(৩) উপ-বিধি (২) এ বর্ণিত ক্ষেত্রে সংশ্লিষ্ট ব্যাংকের অনুমোদিত কর্মকর্তা কর্তৃক সত্যায়িত ব্যাক-টু-ব্যাক ঋণপত্র, রপ্তানী ঋণপত্রের অনুলিপি ও বৈদেশিক মুদ্রায় মূল্য প্রাপ্তির প্রমাণপত্র নিবন্ধিত ব্যক্তি কর্তৃক দখলে রাখিতে হইবে।

(৪) এই বিধিতে বর্ণিত সুবিধাদি প্রাপ্তিকল্পে প্রকৃত রপ্তানিকারকের কাস্টমস কর্তৃপক্ষ বা অন্য কোনো অনুমোদিত প্রতিষ্ঠান কর্তৃক অনুমোদিত বন্ডেড ওয়্যারহাউস বা স্পেশাল বন্ডেড ওয়্যারহাউস থাকিতে হইবে। অভ্যন্তরীণ ব্যাক-টু-ব্যাক ঋণপত্রের বিপরীতে সরবরাহতব্য পণ্য সংক্রান্ত তথ্যাদি যথা: ব্যাক-টু-ব্যাক ঋণপত্র নম্বর ও তারিখ, প্রচ্ছন্ন রপ্তানিকারকের নাম ও ঠিকানা, পণ্যের বিবরণী ও পরিমাণ ও আনুষঙ্গিক অন্যান্য তথ্য প্রকৃত রপ্তানিকারকের অনুকূলে সংশ্লিষ্ট কাস্টমস কর্তৃপক্ষ বা অন্য কোনো অনুমোদিত প্রতিষ্ঠান কর্তৃক ইস্যুকৃত ইউটিলাইজেশন পারমিশন (ইউপি) বা ইউটিলাইজেশন ডিক্লারেশন (ইউডি) এ উল্লেখ থাকিতে হইবে এবং বিধি ৪৫ অনুযায়ী সম্পূরক শুল্ক হ্রাসকারী সমন্বয়ের ক্ষেত্রে ফরম মুসক-৭.১ এর সহিত উক্ত ইউটিলাইজেশন পারমিশন (ইউপি) বা ইউটিলাইজেশন ডিক্লারেশন (ইউডি)- এর অনুলিপিও সংযুক্ত করিতে হইবে। প্রয়োজনীয় পরীক্ষান্তে হ্রাসকারী সমন্বয় গ্রহণের অনুমতি প্রদানের সাথে সাথে সংশ্লিষ্ট ইউটিলাইজেশন পারমিশন (ইউপি) বা ইউটিলাইজেশন ডিক্লারেশন (ইউডি) এ উল্লিখিত তথ্যাদির যথার্থতা এবং সরবরাহকৃত পণ্যের প্রকৃত রপ্তানিকারকের পাশ বহি ও ওয়্যারহাউস রেজিস্টারে লিপিবদ্ধ করিবার বিষয়ে তথ্যাদি নিশ্চিত হইবার জন্য সংশ্লিষ্ট মূল্য সংযোজন কর কর্তৃপক্ষ প্রকৃত রপ্তানিকারকের বন্ড নিয়ন্ত্রণকারী সংশ্লিষ্ট কাস্টমস কর্তৃপক্ষের সাথে যোগাযোগ করিবেন।

(৫) প্রকৃত রপ্তানিকারক সংগৃহীত পণ্য দ্বারা প্রস্তুতকৃত পণ্যের সংরক্ষণ, রপ্তানি বা অন্য কোনো প্রকারে নিষ্পত্তির বিবরণী সংশ্লিষ্ট পাশ বহি, রেজিস্টার বা বোর্ড কর্তৃক নির্ধারিত অন্যান্য দলিলপত্রে লিপিবদ্ধ করিবেন এবং বন্ড কর্মকর্তা দ্বারা উহা প্রত্যায়িত করাইবেন।

(৬) ব্যাক-টু-ব্যাক ঋণপত্রের মাধ্যমে সংগৃহীত পণ্য বা তৎদ্বারা প্রস্তুতকৃত পণ্য রপ্তানি করিতে ব্যর্থ হইলে রপ্তানিকারক উক্ত সংগৃহীত পণ্যের বিপরীতে রেয়াত বা হ্রাসকারী সমন্বয় হিসাবে যথাক্রমে গৃহীত উপকরণ কর ও সম্পূরক শুল্ক রপ্তানি ঋণপত্রের তামাদি তারিখ অথবা Customs Act, 1969 (IV of 1969) অনুযায়ী উক্ত পণ্য বন্ডেড ওয়্যারহাউস বা স্পেশাল বন্ডেড ওয়্যারহাউস এ সংগৃহীত হইবার তারিখ হইতে ২ (দুই) বৎসর অতিক্রান্ত হইবার তারিখ, যাহা পূর্বে হইবে, এর মধ্যে ফেরত প্রদানে বাধ্য থাকিবেন।

১৮গ। পশ্চাদ সংযোগ শিল্প প্রতিষ্ঠানের ক্ষেত্রে পণ্য বা সেবা সরবরাহ।- পশ্চাদ সংযোগ শিল্প প্রতিষ্ঠান (প্রযোজ্য ক্ষেত্রে) কর্তৃক সরবরাহকৃত পণ্য বা সেবা নিম্নরূপ শর্তাধীনে আইনের ধারা ২ এর দফা (৬২) এর অধীন প্রচ্ছন্ন রপ্তানি বলিয়া গণ্য করা হইবে, যথা:-

- (ক) উক্ত শিল্প প্রতিষ্ঠানকে ১০০% রপ্তানিমুখী বন্ডেড ওয়্যারহাউস বা স্পেশাল বন্ডেড ওয়্যারহাউস লাইসেন্সধারী প্রতিষ্ঠানের অনুকূলে পণ্য সরবরাহ বা সেবা প্রদান করিতে হইবে;
- (খ) উক্ত শিল্প প্রতিষ্ঠানের সরবরাহকৃত পণ্য বা সেবার অনুকূলে ইউটাইলাইজেশন পারমিশন বা ইউটাইলাইজেশন ডিক্লারেশন থাকিতে হইবে এবং উহাতে অভ্যন্তরীণ ব্যাক-টু-ব্যাক ঋণপত্র বা অভ্যন্তরীণ ঋণপত্রের নম্বর ও তারিখ, উক্ত শিল্প প্রতিষ্ঠানের নিকট হইতে পণ্য বা সেবা গ্রহণকারী ব্যক্তির মূসক নিবন্ধন নম্বর, নাম ও ঠিকানাসহ উক্ত ব্যক্তির অনুকূলে ইস্যুকৃত অভ্যন্তরীণ ব্যাক-টু-ব্যাক ঋণপত্রের নম্বর ও তারিখ উল্লেখ থাকিতে হইবে;
- (গ) উক্ত ঋণপত্রসমূহ যে ব্যাংকে হইবে সেই ব্যাংক কর্তৃক সত্যায়িত ঋণপত্রের অনুলিপিসহ ইউটাইলাইজেশন পারমিশন বা ইউটাইলাইজেশন ডিক্লারেশনসমূহ উক্ত শিল্প প্রতিষ্ঠানের দখলে থাকিতে হইবে;
- (ঘ) উক্ত শিল্প প্রতিষ্ঠান কর্তৃক সরবরাহকৃত পণ্য বা সেবার বিপরীতে প্রদত্ত উপকরণ কর, আইনের ধারা ৪৬ এবং সম্পূরক শুল্ক, আইনের ধারা ৬২ ও বিধি ৪৫ অনুযায়ী যথাক্রমে রেয়াত ও হ্রাসকারী সমন্বয় গ্রহণের ক্ষেত্রে আবেদনপত্রের সহিত দফা (খ) ও (গ) তে উল্লিখিত দলিলাদিসহ বৈদেশিক মুদ্রা প্রাপ্তির সনদপত্র, নিবন্ধনের ছায়ালিপি, পণ্য বা সেবা সরবরাহ প্রদানের বিপরীতে ফরম “মূসক ৬.৩” এ প্রদত্ত চালানপত্র, সরবরাহকৃত পণ্য বা সেবায় ব্যবহৃত উপকরণ আমদানির সপক্ষে বিল অব এন্ট্রির মূল কপি বা উপকরণের সরবরাহকারী কর্তৃক ফরম “মূসক ৬.৩” এ প্রদত্ত চালানপত্র দখলে রাখিতে হইবে ও উপস্থাপিত

দলিলপত্রাদির সত্যতা বিষয়ে ৩ (তিন) শত টাকার নন-জুডিশিয়াল স্ট্যাম্পে অঞ্জীকারনামা সংশ্লিষ্ট কমিশনার বরাবর দাখিল করিতে হইবে; এবং

(৬) উক্ত শিল্প প্রতিষ্ঠান কর্তৃক দাখিলযোগ্য প্রতি কর মেয়াদে পেশকৃত দাখিলপত্র “মুসক ৯.১” এ এই বিধির আওতায় প্রাপ্ত সুবিধাদি সংক্রান্ত তথ্যাদি উল্লেখ করিতে হইবে এবং প্রতি জানুয়ারি ও জুলাই মাসে এতদসংক্রান্ত ষান্মাসিক বিবরণী স্থানীয় মূল্য সংযোজন কর কার্যালয়ে দাখিল করিতে হইবে।”;

(৯) বিধি ২৭ এর উপ-বিধি (১) এ উল্লিখিত “উপ-দফা (ড)” শব্দগুলি, চিহ্ন ও বন্ধনীর পরিবর্তে “উপ-দফা (ঝ)” শব্দগুলি, চিহ্ন ও বন্ধনী প্রতিস্থাপিত হইবে;

(১০) বিধি ৩৭ এর উপ-বিধি (২) এর পরিবর্তে নিম্নরূপ উপ-বিধি (২) প্রতিস্থাপিত হইবে; যথা:-

“(২) উৎসে কর্তনকারী সত্তা নির্ধারিত শর্ত ও পদ্ধতিতে উক্তরূপ কর্তিত মুসক সরকারি কোষাগারে জমা প্রদানপূর্বক উৎসে কর কর্তন সনদপত্র ইস্যু করিবেন।”;

(১১) বিধি ৪০ এর উপ-বিধি (১) এর দফা (গ) এর উপ-দফা (আআ) এ উল্লিখিত “সমন্বিত” শব্দটি বিলুপ্ত হইবে;

(১২) বিধি ৪৯ এর উপ-বিধি (২) এ উল্লিখিত “করদাতা ত্রুটি চিহ্নিত হওয়ার অব্যবহিত পর, করদাতা” শব্দগুলি ও কমা পরিবর্তে “করদাতা ত্রুটি চিহ্নিত হওয়ার অব্যবহিত পর” শব্দগুলি প্রতিস্থাপিত হইবে;

(১৩) বিধি ৫২ এর উপ-বিধি (৭) এর পরিবর্তে নিম্নরূপ উপ-বিধি (৭) প্রতিস্থাপিত হইবে; যথা:-

“(৭) নিবন্ধিত ব্যক্তি কর্তৃক উপ-বিধি (৬) এ বর্ণিত কর মেয়াদের মধ্যে হাসকারী সমন্বয় গ্রহণের সুযোগ না থাকিলে উক্ত ব্যক্তি ফরম “মুসক-৯.১” এ কমিশনার বরাবর ফেরতযোগ্য অর্থ ফেরত গ্রহণের জন্য আবেদন

করিবেন এবং কমিশনার এই বিধিতে বর্ণিত পদ্ধতিতে ফেরত আবেদন নিষ্পত্তি করিবেন।”;

(১৪) বিধি ৫৪ এ উল্লিখিত “উপ-ধারা (৪) ও (৫)” শব্দগুলি, সংখ্যাগুলি, চিহ্ন ও বন্ধনীর পরিবর্তে “উপ-ধারা (৩)” শব্দগুলি, সংখ্যা, চিহ্ন ও বন্ধনী প্রতিস্থাপিত হইবে;

(১৫) বিধি ৬৫ এর-

(ক) উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথাঃ-

“(১) ধারা ৮৫ এর উপ-ধারা (১) এর সারণীর ক্রমিক নং (ছ), (জ), (ঝ) ও (ড) এ বর্ণিত ব্যর্থতা বা অনিয়ম বা কর ফাঁকির ক্ষেত্রে বিধি ৬১ এর উপ-বিধি (৬) এ উল্লিখিত ফরম মূসক-১২.৬ এ প্রতিবেদন প্রাপ্তির পর উক্ত ক্ষেত্র সহ অন্যান্য সকল কর ফাঁকির ক্ষেত্রে ধারা ৭৩ এ উল্লিখিত কর নির্ধারণ কার্যক্রম সম্পন্ন করিয়া জরিমানা আরোপের লক্ষ্যে ধারা ৮৬ এর উপ-ধারা (১) এর দফা (খ) এ বর্ণিত আর্থিক ক্ষমতা অনুযায়ী ন্যায় নির্ণয়নকারী কর্মকর্তা ফরম মূসক-১২.১২ এ কারণ দর্শানো নোটিশ জারি করিবেন।”;

(খ) উপ-বিধি (২) এর পরিবর্তে নিম্নরূপ উপ-বিধি (২) প্রতিস্থাপিত হইবে, যথাঃ-

“(২) ধারা ৮৫ এর উপ-ধারা (১) এ বর্ণিত কর ফাঁকি সংক্রান্ত ব্যর্থতা বা অনিয়ম ব্যতীত অন্য যে কোনো ধরনের ব্যর্থতা বা অনিয়মের জন্য —

(ক) যদি কোনো কর ফাঁকি হইয়া থাকে তাহা হইলে ধারা ৮৬ এর উপ-ধারা (১) এর দফা (খ) এ বর্ণিত আর্থিক ক্ষমতা অনুযায়ী ন্যায় নির্ণয়নকারী কর্মকর্তা ধারা ৭৩ এ উল্লিখিত কর নির্ধারণ কার্যক্রম সম্পন্নকরণ করিয়া কারণ দর্শানো

নোটিশ জারি করিবেন এবং সেই ক্ষেত্রে ফাঁকি প্রদত্ত করের সমপরিমাণ জরিমানা আরোপিত হইবে;

(খ) যদি কোনো কর ফাঁকি না হইয়া থাকে তাহা হইলে সহকারী কমিশনার পদমর্যাদার নিম্নে নহেন এইরূপ কোনো মুসক কর্মকর্তা কারণ দর্শানো নোটিশ জারি করিবেন এবং সেই ক্ষেত্রে অন্যান্য ১০ (দশ) হাজার এবং অনূর্ধ্ব ১ (এক) লক্ষ টাকা জরিমানা আরোপিত হইবে।”;

(গ) উপ-বিধি (৩) এর-

(অ) দফা (খ) এ উল্লিখিত “ব্যর্থতা বা অনিয়মের” শব্দগুলির পরিবর্তে “ব্যর্থতা বা অনিয়ম বা কর ফাঁকির” শব্দগুলি প্রতিস্থাপিত হইবে; এবং

(আ) দফা (গ) এ উল্লিখিত “ব্যর্থতা বা অনিয়মের” শব্দগুলির পরিবর্তে “ব্যর্থতা বা অনিয়ম বা কর ফাঁকির” শব্দগুলি প্রতিস্থাপিত হইবে;

(ঘ) উপ-বিধি (৬) এ-

(অ) উল্লিখিত “ব্যর্থতা বা অনিয়মের” শব্দগুলির পরিবর্তে “ব্যর্থতা বা অনিয়ম বা কর ফাঁকির” শব্দগুলি প্রতিস্থাপিত হইবে; এবং

(আ) দফা (ক) এ উল্লিখিত “ব্যর্থতা বা অনিয়মের” শব্দগুলির পরিবর্তে “ব্যর্থতা বা অনিয়ম বা কর ফাঁকির” শব্দগুলি প্রতিস্থাপিত হইবে;

(১৬) বিধি ১১৮ এর উপ-বিধি (২) এর দফা (খ) ও (গ) বিলুপ্ত হইবে;

(১৭) বিধি ১১৮খ এর পর নিম্নরূপ নূতন বিধি ১১৮গ সন্নিবেশিত হইবে; যথা:-

“১১৮গ। স্থানীয় পর্যায়ে মূলধনী যন্ত্রপাতি ও যন্ত্রাংশ উৎপাদনে সুবিধা।—

Customs Act, 1969 (Act No. IV of 1969) এর Section 19 এর sub-section (1) এবং আইনের ধারা ১২৬ এর উপ-ধারা (১) এর আওতায় সরকার কর্তৃক, সময় সময়, জারীকৃত অব্যাহতি বা রেয়াতী সুবিধা সংক্রান্ত কাস্টমস ও মূল্য সংযোজন কর প্রজ্ঞাপনের আওতাভুক্ত অব্যাহতিপ্রাপ্ত সুনির্দিষ্ট এইচএস কোড এর মূলধনী যন্ত্রপাতি ও যন্ত্রাংশ বাংলাদেশে উৎপাদনের ক্ষেত্রে উহার প্রস্তুতকারক বা উৎপাদক, নিম্নবর্ণিত শর্তসাপেক্ষে মূল্য সংযোজন কর পরিশোধ ব্যতিরেকে সরবরাহ করিতে পারিবেন, যথা:-

(ক) আইন অনুযায়ী নিবন্ধিত হইতে হইবে;

(খ) নিয়মিত মূল্য সংযোজন কর দাখিলপত্র পেশ করিতে হইবে”;

(১৮) ফরম “মূসক-২.৩” এর “[বিধি ৪ এর উপ-বিধি (৪) দ্রষ্টব্য]” বন্ধনীগুলি, শব্দগুলি, সংখ্যাগুলি ও চিহ্নের পরিবর্তে “[বিধি ৪ এর উপ-বিধি (৪) ও বিধি ৫ এর উপ-বিধি (৪) দ্রষ্টব্য]” বন্ধনীগুলি, শব্দগুলি, সংখ্যাগুলি ও চিহ্ন প্রতিস্থাপিত হইবে;

(১৯) ফরম “মূসক-৬.১০” এর শেষাংশে উল্লিখিত “সংশ্লিষ্ট কলামে [(৭), (৮) ও (৯)] শব্দগুলি, কমা, সংখ্যাগুলি ও বন্ধনীর পরিবর্তে “কলাম (৭) এ” শব্দ, সংখ্যা ও বন্ধনী প্রতিস্থাপিত হইবে; এবং

(২০) ফরম “মূসক-১১.১” এর ক্রমিক নং (৩) এর শেষাংশে উল্লিখিত “হইল” শব্দের পরিবর্তে “হইবে” শব্দটি প্রতিস্থাপিত হইবে।

জাতীয় রাজস্ব বোর্ডের আদেশক্রমে,

(মোঃ মাসুদ সাদিক)

সদস্য (মূসক নীতি)